

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona" broj: 7/10), a u skladu sa članom 14. stav 4. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01, 8/10 i 15/17), Vlada Zeničko-dobojskog kantona, na prijedlog Nadzornog odbora Agencije za privatizaciju Zeničko-dobojskog kantona, na 139. sjednici, održanoj dana 05.04.2018. godine, d o n o s i

ZAKLJUČAK

I

Prima se na znanje Izvještaj o radu Nadzornog odbora Agencije za privatizaciju Zeničko-dobojskog kantona za 2017. godinu.

II

Izvještaj iz tačke I ovog Zaključka upućuje se u dalju skupštinsku proceduru.

III

Zaključak stupa na snagu danom donošenja.

Broj: 02-_____ /18.

Datum, 05.04.2018. godine

Z e n i c a

PREMIJER

Miralem Galijašević

DOSTAVLJENO:

1x Agencija za privatizaciju ZDK,

- Nadzorni odbor,

1x Stručna služba Skupštine Kantona,

1x a/a.



Nadzorni odbor APZDK-a

IZVJEŠTAJ

O RADU NADZORNOG ODBORA AGENCIJE ZA PRIVATIZACIJU ZENIČKO-DOBOJSKOG KANTONA ZA 2017. GODINU

U Zenici, mart 2018. godine

SADRŽAJ

UVOD.....	3
2. Kontrola izvršenja programskih ciljeva Agencije.....	5
3. Nadzor zakonitosti rada i finansijskog poslovanja.....	5
3.1. Vršenje nadzora zakonitosti rada i finansijskog poslovanja.....	5
3.2. Kontrola primjene zakonske i podzakonske regulative u postupcima prodaje predmeta u „maloj privatizaciji“.....	5
4. Kontrola obaveza iz kupoprodajnih ugovora.....	7
4.1. Kontrola ispunjavanja obaveza aktivnih kupoprodajnih ugovora.....	7
5. Aktivnosti po osnovu sudskih postupaka proisteklih iz poslova privatizacije.....	7
5.1. Aktivni predmeti ¹	7
5.2. Pasivni predmeti ²	8
6. Zaključno razmatranje.....	9

Prilog 1. - Tabela 1. - Izvršenje Finansijskog plana za 2017. godinu, u odnosu na planirane iznose

¹ Sudski predmeti gdje je Agencija tužilac/trožilac izvršenja

² Sudski predmeti gdje je Agencija Tužena/Izvršenik

Nadzorni odbor
Broj: 15-02-11/18
Zenica, 29.03. 2018. godine

I Z V J E Š T A J

o radu Nadzornog odbora Agencije za privatizaciju Zeničko-dobojskog kantona za 2017. godinu

I - UVOD

Odredbama člana 14. stav 1. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, br. 4/97, 15/97, 6/01, 8/10 i 15/17) i člana 19. Statuta Agencije za privatizaciju Zeničko-dobojskog kantona („Službene novine Zeničko-dobojskog kantona“, br. 9/99), regulisano je da, Nadzorni odbor Agencije za privatizaciju Zeničko-dobojskog kantona provodi nadzor nad zakonitošću rada i finansijskog poslovanja Agencije za privatizaciju Zeničko-dobojskog kantona.

Djelatnost Agencije je obavljanje stručnih i drugih poslova u vezi sa privatizacijom. Temeljem odredaba člana 6. navedenog Zakona, Agencija vrši odobravanje, sprovođenje, organizovanje, nadziranje i podsticanje privatizacije preduzeća sa prostora Zeničko-dobojskog kantona u njenoj nadležnosti.

U vezi sa privatizacijom preduzeća, odredbama stava 2. istog člana, taksativno su nabrojana ovlaštenja Agencije, među kojima su, odobravanje programa privatizacije i početnog bilansa stanja, odlučivanje o načinu i sprovođenju postupka privatizacije, utvrđivanje povoljnijih uslova prodaje i plaćanja za preduzeća koja se ne privatiziraju saglasno načinu i uslovima određenim odobrenim programom privatizacije.

Skupština Zeničko-dobojskog kantona svojim odlukama imenuje Predsjednika i članove Nadzornog odbora Agencije za privatizaciju Zeničko-dobojskog kantona.

U toku 2017. godine, Nadzornom odboru Agencije za privatizaciju Zeničko-dobojskog kantona, koji je imenovan Odlukom Skupštine Kantona, broj: 01-34-14479/15 od 16.07.2015. godine, u sastavu:

1. Sejid Hajdarević, dipl.ecc., predsjednik
2. Elmir Isaković, mr.ecc., član
3. Senad Halilović, mr.ecc, član

je istekao mandat dana 07.08.2017. godine, a do okončanja procedure izbora i imenovanja novog saziva Nadzornog odbora Agencije, Skupština Zeničko-dobojskog kantona Odlukom, broj: 01-34-9763/17 od 04.07.2017. godine, imenovala je predsjednika i dva člana Nadzornog odbora, u istom sastavu, na kraći period, koji ne može biti duži od 3 (tri) mjeseca.

Odlukom Skupštine Zeničko-dobojskog kantona, broj: 01-34-12954/17 od 20.09.2017. godine, koja je stupila na snagu dana 30.09.2017. godine, imenovan je novi saziv Nadzornog odbora Agencije za privatizaciju Zeničko-dobojskog kantona, na period od dvije godine, u sastavu:

1. Lejla Alić, dipl.iur., predsjednik
2. Elmir Isaković, mr.ecc., član
3. Senad Halilović, mr.ecc, član

Prema Statutu Agencije za privatizaciju ZDK-a, Nadzorni odbor Agencije ima veoma važnu ulogu, koja se ogleda u nadzoru nad kontrolom poslovanja i zakonitošću rada Agencije za privatizaciju ZDK-a.

Konstituirajuću sjednicu, Nadzorni odbor je održao dana 12.12.2017. godine.

U toku 2017. godine, Nadzorni odbor održao je ukupno devet (9) sjednica, u okviru kojih je razmatrao ukupno 37 tačaka dnevnog reda, te donio šest (6) zaključka. Svi zaključci, koji su doneseni na sjednicama Nadzornog odbora, su usvojeni jednoglasno.

2. KONTROLA IZVRŠENJA PROGRAMSKIH CILJEVA AGENCIJE

Osnovni ciljevi Agencije za privatizaciju definisani su Programom rada Agencije za 2017.godinu, i isti predstavljaju nastavak aktivnosti iz ranijeg perioda, odnosno nastavak aktivnosti iz 2016. godine. Nadzorni odbor Agencije je, u cilju osiguranja zakonitosti rada Agencije ostvarivao uvid i kontrolu akata Agencije, vršio kontrolu provedenih postupaka i procedura privatizacije imovine preduzeća, kao i tekućeg finansijskog poslovanja Agencije.

To se prvenstveno odnosilo na uvid i kontrolu dokumentacije nastale kroz:

- 1) Privatizaciju imovine preduzeća, čiji je rok za okončanje 31.12.2018. godine koji rok je utvrđen Odlukom o izmjenama Odluke o neposrednoj pripremi i provedbi male privatizacije³
- 2) Vođenje sudskih postupka proisteklih iz poslova privatizacije, koje će biti dodatno finansijsko opterećenje zbog stupanja na snagu Zakona o izmjenama i dopunama Zakona o parničnom postupku⁴, kojim izmjenama i dopunama je propisano da u parnicama o imovinsko-pravnim zahtjevima, u kojim vrijednost predmeta spora prelazi iznos od 50.000,00 KM, punomoćnici pravnih lica mogu biti samo osobe koje imaju položen pravosudni ispit. Iz tih razloga, Agencija će angažovanjem advokata kao punomoćnika kod pojedinih predmeta imati dodatno finansijsko opterećenje.
- 3) Status privatiziranih preduzeća, koja će biti predmetom kontrole Agencije za reviziju privatizacije Federacije BiH, kao i drugih institucija i organa.
- 4) Kontrola izvršenja ugovorenih obaveza Kupaca kod aktivnih ugovora.

Rad Agencije, kao i privatizacijski procesi i postupci koje je Agencija provela, odnosno u kojim je učestvovala u izvještajnom periodu, u okvirima svojih nadležnosti i zadataka, ostvarivani su u skladu sa zakonskim propisima i odlukama nadležnih organa u FBiH. Nisu registrovana bilo kakva suštinska, kao ni formalna narušavanja propisa, niti radnje koje bi se mogle kvalificirati kao nezakonite.

3. NADZOR ZAKONITOSTI RADA I FINANSIJSKOG POSLOVANJA

Prema članu 19. Zakona o Agenciji za privatizaciju Zeničko-dobojskog kantona, sredstva za osnivanje i poslovanje Agencije osiguravaju se iz:

- proračuna Kantona,
- dijela novčanih sredstava ostvarenih prodajom preduzeća,
- naknada za usluge,
- drugih izvora.

Iz oblasti finansijskog poslovanja Agencije, na sjednicama Nadzornog odbora Agencije, u izvještajnom periodu razmatrani su slijedeći materijali:

- Izvještaj o izvršenju Finansijskog plana Agencije za privatizaciju Zeničko-dobojskog kantona za period januar-decembar 2016. godine, sa obrascima za godišnji obračun,
- Izvodi aktivnih računa Agencije za privatizacije ZDK-a počev od 01.01. do 31.03. 2017. godine,
- Izvještaj o izvršenju Finansijskog plana Agencije za privatizaciju ZDK-a za period januar-mart 2017. godine,
- Izvodi aktivnih računa Agencije za privatizacije ZDK-a počev od 01.01. do 31.03. 2017. g., *veza Zapisnik NO APZDK-a, broj:15-02-34/17 od 28.04.2017. godine,*
- Finansijski plan Agencije za privatizaciju ZDK-a za 2017. godinu,
- Izvještaj o izvršenju Finansijskog plana Agencije za privatizaciju Zeničko-dobojskog kantona za period januar-juni 2017. godine,
- Izvodi aktivnih računa Agencije za privatizacije ZDK-a počev od 01.04. do 31.08. 2017. godine;

³ („Službene novine Federacije BiH“, br.95/15)

⁴ („Službene novine Federacije BiH“, br.98/15)

Nadzor zakonitosti rada i finansijskog poslovanja Agencije za privatizaciju, Nadzorni odbor Agencije za privatizaciju je vršio na slijedeći način:

- 1) Nadzor i kontrola finansijskog poslovanja uvidom u dokumentaciju nastalu finansijskim poslovanjem,
- 2) Posredno-izvještaji, ugovori, odluke, zaključci i drugi dokumenti,
- 3) Metodom slučajnog ili ciljanog uzorka.

3.1. Vršenje nadzora zakonitosti rada i finansijskog poslovanja

Kontrolu Izvještaja o izvršenju Finansijskog plana Agencije za privatizaciju Zeničko - dobojskog kantona za period januar-decembar 2016.g., sa obrascima za godišnji obračun, Nadzorni odbor je verifikovao Zaključkom, broj: 15-02-31/2017.

Kontrolom finansijskih sredstava –Izvoda aktivnih računa Agencije za privatizaciju ZDK-a, počev od 01.01. do 31.08. 2017.godine, u navedenom periodu poslovanja Agencije, nisu uočene nepravilnosti, te je Nadzorni odbor Agencije konstatovano, da je Agencija namjenski utrošila sredstva za kontrolisani period, kao i da nisu uočene neke nepravilnosti, niti trošenje sredstava na ime neke neplanirane stavke.

Nadzorni odbor je utvrdio, da su u prvom kvartalu, jedina sredstva koja je Agencija ostvarila bila sredstva transferisana iz Budžeta Kantona, a ostvarenih vlastitih prihoda nije bilo.

U prvom kvartalu sve pozicije su u nivou 25% izvršenja u odnosu na Finansijski plan Agencije, osim za pozicije kod troškova isporuke toplotne energije (to iz razloga, što je Agencija potpisala Protokol sa JP „Grijanje“ Zenica o načinu izmirenja dugovanja, pa su mjesečne rate u većem iznosu od 25%).

Na bazi evidentiranih dospjelih, a neuplaćenih obaveza u Izvještaju o izvršenju finansijskog plana za period I-VI 2017. godine, Nadzorni odbor je utvrdio, da su iste značajno manje u odnosu na Godišnji izvještaj o izvršenju Finansijskog plana za 2016. godinu. Naime, u tom periodu je transakcijski račun za poslovanje bio blokiran zbog izvršne Presude Taletović Ekrem (Tužba Taletović Ekrema iz Zavidovića, kupca predmeta privatizacije „Poslovni prostor – prodavnica mesa i mesnih prerađevina“ u Zavidoviću, Prodavac: „Zmajevac“ d.d. Zenica. Nakon pozitivnih presuda u korist Agencije, Ustavni sud BiH je prihvatio apelaciju tužioca Taletović Ekrema i presudom je naloženo, na teret Agencije, izvršenje u iznosu od cca. 160.000 KM)

Blokada računa je zaustavila mogućnost ostvarivanja sopstvenih prihoda, kroz prodaju putem male privatizacije predmeta T.P. „Nova trgovina“ d.d. Žepče.

To iz razloga, što bi objavom javnog poziva, doveli u pitanje depozite i naknade za učešće potencijalnih kupaca, jer bi sva sredstva bila povučena za namirenje predmetne izvršne presude.

U drugom kvartalu 2017. godine, Nadzorni odbor je konstatovao, vršeći kontrolu i nadzor nad zakonitošću finansijskog poslovanja, da je Agencija za privatizaciju ostvarila prihode koji su skoro duplo veći od planiranih. Isti su ostvareni kroz aukciju po javnom pozivu broj 59, i regresnom naplatom u postupku izvršenja pred sudom (tuženi preduzeće „Progres“ Zenica, a potraživanja platio „Ekro-prom“ Zenica, koji je Kupac ovog preduzeća).

U konačnom, stanje neizmirenih obaveza na dan 30.06.2017.g. prema navedenom Izvještaju je u ukupnom iznosu od 263.617,00 KM.

2. Kontrola primjene zakonske i podzakonske regulative u postupcima prodaje predmeta putem „male privatizacije“

(poslovni prostori u vlasništvu preduzeća iz nadležnosti Agencije za privatizaciju)

Nadzorni odbor Agencije za privatizaciju Zeničko-dobojskog kantona je, u okviru svoje nadležnosti, vršio nadzor primjene zakonitosti u postupcima koje je Agencija za privatizaciju Zeničko-dobojskog kantona provodila u pripremi dokumentacije za objavu javnih poziva za prodaju imovine, putem male privatizacije, koji su u vlasništvu preduzeća iz nadležnosti ove Agencije, a shodno Odluci o izmjenama Odluke o neposrednoj pripremi i provedbi male privatizacije („Službene novine Federacije BiH“, br. 95/15), čiji je rok za okončanje do 31.12.2018. godine.

U toku 2017. godine, objavljena su četiri (4) javna poziva za prodaju osam (8) predmeta, u maloj privatizaciji, a potpisano je 5 kupoprodajnih ugovora, što je navedeno u tekstu koji slijedi:

- 1) JP A-58 objavljen 02.02.2017. godine za učešće na aukcijskoj prodaji dva (2) predmeta u vlasništvu TP „Nova trgovina“ dd Žepče.
 - Početna cijena predmeta „Samostojeća zgrada“ u Zavidovićima iznosila je 240.000,00 KM. Za isti nije bilo prijava, te je prodaja proglašena neuspješnom.
 - Početna cijena predmeta „Privredna zgrada i dio dvorišta“ u Begovom Hanu iznosila je 32.000,00 KM. Za isti nije bilo prijava, te je prodaja proglašena neuspješnom.

- 2) JP A-59 objavljen 09.06.2017. godine za učešće na aukcijskoj prodaji tri (3) predmeta u vlasništvu TP „Nova trgovina“ dd Žepče.
 - Početna cijena predmeta „Samostojeća zgrada“ u Zavidovićima iznosila je 110.000,00 KM. Nakon provedenog postupka, predmet je prodat po cijeni od 209.000,00 KM.
 - Početna cijena predmeta „Poslovni prostor i dvorište u Žepču iznosila je 63.000,00 KM. Nakon provedenog postupka, predmet je prodat po cijeni od 44.100,00 KM.
 - Početna cijena predmeta „Poslovni prostor i dvorište“ u Žepču iznosila je 71.000,00 KM. Nakon provedenog postupka, predmet je prodat po cijeni od 71.000,00 KM.

- 3) JP A-60 objavljen 13.09.2017. godine za učešće na aukcijskoj prodaji tri (3) predmeta u vlasništvu TP „Nova trgovina“ dd Žepče.
 - Početna cijena predmeta „Poslovni prostor i dvorište“ u Žepču iznosila je 113.000,00 KM. Nakon provedenog postupka, predmet je prodat po cijeni 79.100,00 KM.
 - Početna cijena predmeta „Poslovni prostor i dvorište“ u Žepču iznosila je 109.000,00 KM. Nakon provedenog postupka, predmet je prodat po cijeni od 76.300,00 KM.
 - Početna cijena „Samostojeća zgrada“ u Novom Šeheru, Maglaj iznosila je 61.000,00 KM. Za isti nije bilo prijava, te je prodaja proglašena neuspješnom.

- 4) JP A-61 objavljen 15.11.2017. godine za učešće na aukcijskoj prodaji jednog (1) predmeta u vlasništvu „Natron“ dd Maglaj.
 - Početna cijena predmeta „Zemljište“ u Maglaju iznosila je 95.000,00 KM. Za isti nije bilo prijava, te je prodaja proglašena neuspješnom.

Ukupna početna cijena prodatih predmeta iznosila je 466.000,00 KM, dok postignuta cijena iznosi 479.500,00 KM. Ukupno ostvareni finansijski efekti, obuhvataju postignutu kupoprodajnu cijenu, od toga 90% pripada preduzeću čija se imovina prodavala, a 10 % Agenciji za privatizaciju ZDK-a, na ime troškova objave javnih poziva.

Nadzorni odbor Agencije je konstatovao, da je Agencija za privatizaciju ZDK-a sve postupke provela u skladu sa zakonskim propisima u samoj pripremi predmeta za objavu javnih poziva, kao i postupke nakon okončanih prodaja koji su rezultirali potpisivanjem ugovora o kupoprodaji.

Sredstva ostvarena prodajom imovine preduzeća prenose se na račun preduzeća, koja ih usmjeravaju na izmirenje obaveza prema radnicima, te izmirenje obaveza prema drugim povjeriocima.

4. Kontrola obaveza iz kupoprodajnih ugovora

Na dan 31.12.2017. godine, u Registru aktivnih kupoprodajnih ugovora u Agenciji, preostao je jedan ugovor, koji se odnosi na „Velepromet- Zenica“ dd Zenica.

Aktivni ugovori na dan 31.12.2017. godine		
„velika preduzeća“		
	br. ugovora	Predmet prodaje
1.	T-32-01	“Velepromet-Zenica “ d.d. Zenica

4.1. Kontrola izvršenja obaveza aktivnih kupopodajnih ugovora

Tokom 2017. godine, Nadzorni odbor je vršio uvid u Izvještaje/Informacije o stanju izvršenja ugovorenih obaveza po predmetu Ugovora T-32-01-„VELEPROMET-ZENICA“ dd Zenica. Predmetom rasprave i kontrole relevantne dokumentacije stanja izvršenja ugovornih obaveza Kupca „Trgomarket“ d.o.o. Zenica, na sjednicama Nadzornog odbora Agencije bio je pet (5) puta.

Nadzorni odbor je, u cilju provjere i sveobuhvatnog vršenja kontrole primjene zakonitosti u izvršenju ugovorenih obaveza, kontrolisao i slijedeća dokumenta:

- Procjenu stalnog sudskog vještaka stalnog sredstva „Linija za proizvodnju keksa“,
- Procjenu stalnog sudskog vještaka stalnog sredstva „Linija za proizvodnju toalet papira“,
- Biznis plan/Plan investiranja Kupca po Osnovnom ugovoru T-32-01,
- Biznis plan/Plan investiranja Kupca po Ugovoru o preuzimanju Ugovora o kupoprodaji predmeta T-32-01,
- Saglasnost Agencije za privatizaciju za proširenje djelatnosti po Ugovoru T-32-01,
- Saglasnost Agencije za privatizaciju za promjenu strukture ulaganja po Ugovoru T-32-01,
- Rješenje Suda-Registar o upisu promjene proširenja djelatnosti „VELEPROMET-ZENICA“ dd Zenica,
- Pregled nekretnina u vlasništvu „VELEPROMET-ZENICA“ dd Zenica, sa navođenjem podataka, koji su prostori dati pod zakup trećim licima i ostvarenom dobiti Kupca „Trgomarket“ d.o.o.Zenica od zakupnina.
- dokaze za stalno sredstvo „Linija za proizvodnju keksa“, to jest, dokumentaciju koja dokazuje procjenjenu vrijednost sredstva, da je taj iznos plaćen dobavljaču, sa fakturama i carinskim deklaracijama, jer je riječ o dobavljaču iz R Slovenija,
- Procjenu stalnog sudskog vještaka stalnog sredstva „Linija za proizvodnju toalet papira“, sa dokazima o plaćanju,
- Informacija Kantonalne porezne uprave-Ispostava Zenica o nekretninama u vlasništvu „VELEPROMET-ZENICA“ dd Zenica, sa podacima, koji su prostori dati pod zakup trećim licima i ostvarenom dobiti Kupca „Trgomarket“ d.o.o.Zenica od zakupnina.

Nadzorni odbor je, u pravcu utvrđivanja pravih činjenica izvršenja predmetnog ugovora, sugerisao Direktor Agencije, da po Ugovoru T-32-01 „Velepromet-Zenica“ d.d. Zenica angažuje neovisnog revoizora, čiji bi nalaz utvrdio pravo stanje izvršenih ugovorenih obaveza kupca „Trgomarket“ d.o.o. Zenica.

5. Aktivnosti po osnovu sudskih postupaka proisteklih iz poslova privatizacije

5.1. Aktivni predmeti⁵

Ukupan broj aktivnih sudskih sporova u 2017. godini, u kojim Agencija za privatizaciju Zeničko-dobojskog kantona ima svojstvo tužitelja je četiri od čega se:

- jedan predmet odnosi na raskid kupoprodajnog ugovora zbog neizvršenja ugovorom preuzetih obaveza od strane kupca preduzeća „Poljopromet“ dd Zenica. Tužba za raskid Ugovora o kupoprodaji 60% ukupnog kapitala preduzeća podnesena je Općinskom sudu u Zenici dana 31.08.2008.godine, ali ročište još nije zakazano.
- jedan spor se odnosi na prodaju predmeta u tzv. maloj privatizaciji, protiv RMU „Breza“ doo Breza i H. Zaimović, radi utvrđivanja ništavosti Ugovora o kupoprodaji i brisanja uknjižbe. Općinski i Kantonalni sud su usvojili tužbeni zahtjev Agencije, a na uloženu reviziju Vrhovnom sudu Federacije BiH još nema odluke.

⁵ Sudski predmeti gdje je Agencija Tužilac/Tražilac izvršenja

- jedan spor se temelji na naplati ugovorne kazne, proistekle u postupku privatizacije preduzeća JP „Autoprijevoz“ dd Tešanj, koji je u fazi izvršenja, *te*
- jedan spor koji se vodio protiv privatiziranog TD „Progres“ doo Zenica, radi regresnog potraživanja. Potraživanje je naplaćeno u iznosu od 99.412,82 KM.

5.2. Pasivni predmeti⁶

Tokom 2017. godine, evidentirano je ukupno sedamnaest predmeta, u kojim je Agencija tužena strana. Od navedenog broja predmeta:

- petnaest se odnosi na pojedinačne postupke-tužbe koje su pokrenuli bivši radnici „Bosnafurnir“ dd Visoko, a pored Agencije tužili su i Zeničko-dobojski kanton, radi poništenja rješenja o prestanku radnog odnosa, isplate neisplaćenih plaća i uplate doprinosa. Općinski i Kantonalni sud je donio presude o odbijanju tužbi, a tužitelji su podnijeli reviziju Vrhovnom sudu Federacije BiH koje se redom odbijaju, kao što je odbačena i prva apelacija po navedenim predmetima podnesena Ustavnom sudu BiH.
- jedan spor je u vezi sa privatizacijom imovine bivše vlasništvo preduzeća „Velepromet-Maloprodaja“ dd Visoko, radi utvrđivanja vlasništva na prostoru koji je, posredstvom Agencije, tužitelj kupio u postupku male privatizacije. Rješenjem Općinskog suda Visoko postupak je prekinut do okončanja stečajnog postupka nad vlasnikom prostora, odnosno „Velepromet-Maloprodaja“ dd Visoko. *Vodi se i*
- jedan spor proistekao iz postupka privatizacije preduzeća JP „Autoprijevoz“ dd Tešanj. Kupac 67% državnog kapitala navedenog preduzeća je tužio Agenciju radi naknade štete/stjecanje bez osnova. Postupak je u toku.

Nadzorni odbor Agencije za privatizaciju Zeničko-dobojskog kantona je tromjesečno vršio kontrolu aktivnih i pasivnih sudskih sporova u 2017. godini, te naložio Direktor Agencije za privatizaciju Zeničko-dobojskog kantona da periodično dostavlja Informaciju o sudskim sporovima, u cilju pravovremenog informisanja ovog organa o stanju sudskih sporova u kojim je učesnik Agencija za privatizaciju Zeničko-dobojskog kantona.

6. ZAKLJUČNO RAZMATRANJE

Rad i finansijsko poslovanje Agencije za privatizaciju Zeničko-dobojskog kantona u 2017. godini odvijali su se u skladu sa zakonskim propisima, općim aktima Agencije, stavovima Vlade Zeničko-dobojskog kantona, te zaključcima Upravnog i Nadzornog odbora Agencije za privatizaciju ZDK-a.

- Finansijski izvještaji su istinito i objektivno prikazali finansijski položaj i rezultate Agencije za privatizaciju.
- Menadžment Agencije se pridržavao preporuka, zaključaka i odluka Upravnog i Nadzornog odbora Agencije.
- Umanjeni rezultati privatizacije nisu posljedica rada Agencije, nego uticaja niza faktora, počev od nepovoljnog poslovnog ambijenta, nedefinisane ponude i zahtjeva za privatizaciju.

Predsjednica Nadzornog odbora

Lejla Alić

⁶ Sudski predmeti gdje je Agencija Tužena/Izvršenik

PRILOG 1.

Tabela 1. - Izvršenje Finansijskog plana za 2017. godinu, u odnosu na planirane iznose

Ekonomski kod	OPIS	Plan 2017.	Izvršenje 01.01.-31.12.2017.	INDEX (4:3)
1	2	3	4	5
700000	I PRIHODI	844.782	588.373	69,65
	I.1. Prihodi od Kantona	771.782	382.500	49,56
732114	Budžet Kantona	450.000	382.500	85,00
7321140	ESCROW sredstva- troškovi evikcije	321.782	0	-
	I.2. Prihodi koje ostvari Agencija	73.000	205.873	282,03
721600	Prihodi od privatizacije	60.000	106.460	177,43
722600	Ostali prihodi	13.000	99.413	764,71
610000	II TEKUĆI RASHODI	619.000	500.288	44,80
611000	Plaće i naknade troškova zaposlenih i naknade za članove UO i NO	331.000	286.964	86,70
612000	Doprinosi poslodavca i ostali doprinosi	31.000	26.667	86,02
613000	Izdaci za materijal i usluge	247.000	186.657	75,57
	Kapitalna ulaganja	10.000	0	-
	Pokriće viška rashoda nad prihodima iz 2014. godine	225.782	88.085	39,01